

〔淚襟集〕序傳曰有夫婦而後有父子有父子而後有君臣三者雖殊其道一而已是故五倫之道以忠孝
真爲最重焉○中

賞節婦

〔令義解賦三〕凡孝子順孫○註義夫婦○謂中略衛共姜楚白姬之類節婦也志行聞於國郡者申太政官奏聞表其門閭

略同籍悉免課役有精誠通感謂孟宗泣生冬笋梁妻哭崩城之類通感也者別加優賞

〔續日本紀元五〕和銅五年九月己巳詔曰故左大臣正二位多治比真人島之妻家原音那贈右大臣從

二位大伴宿禰御行之妻紀朝臣音那並以夫存之日相勸爲國之道夫亡之後固守同墳之意朕思彼
貞節感歎之深宜此二人各賜邑五十戶其家原音那加賜連姓

〔續日本紀稱德二十九〕神護景雲二年二月庚辰對馬島上縣郡人高橋連波自采女夫亡之後誓不改志其

父尋亦死結廬墓側每日齋食孝義之至有感行路表其門閭復租終身 癸未石見國美濃郡人額田
部蘇提賣寡居年久節義著聞兼復積而能散所濟者衆復其田租終身 六月乙未信濃國伊那郡人

他田舍人千世賣少有才色家世豐贍年廿有五喪夫守志寡居五十餘年哀其守節賜爵二級

〔續日本紀光仁三十二〕寶龜三年十二月壬子壹岐島壹岐郡人直玉主賣年十五夫亡自誓遂不改嫁者卅

餘年供承夫墓一如平生賜爵二級并免田租以終其身

〔續日本後紀仁明十四〕承和十一年五月丙申甲斐國言山梨郡人伴直富成女年十五嫁鄉人三枝直平麻

呂生一男一女而承和四年平麻呂死去也厥後守節不改年已四十四而攀號不止恒事齋食敬於靈
床宛如存日量彼操履堪爲節婦者勅宜終身免其戶田租卽標門閭以旌節行 壬寅武藏國言多摩

郡猪江鄉戶主刑部直道繼戶口同姓真刀自咩爲同鄉刑部廣主妻生四男三女經廿一年夫乃死矣
真刀自咩居喪有禮事死如生墳側結廬晨昏悲泣推移歲月終始不渝見其操行可謂節婦者勅宜特

授位二階兼終身免同戶田租

赤城山人 清水正德撰